

مناجاة وذكر ودعاء | التربية الإيمانية درس ٨ | فاضل سليمان

فاضل سليمان

بسم الله الرحمن الرحيم درس النهاردة اسمه مناجاة انت بتصور بتسجل خلاص مناجاة ذكر ودعاء لملك الارض والسماء. والحقيقة انا مقتبس هذا الاسم من كتاب رائع جدا اتمنى لو الناس تقرراه. اسمه تسبيح ومناجاة وثناء. على ملك - [00:00:12](#)

الارض والسماء للشيخ محمد موسى عقيل الشريف. مين فيكم عرفه؟ محمد موسى عقيل. وعلى فكرة الشيخ سعودي وهو نص مصري والدته مصرية. والكابتن في الطيران السعودي. وشخصية جميلة جدا اتعرفت عليه في العمرة. وده - [00:00:52](#)
اجمل واروع الكتب اللي هو كتبها. تسبيح ومناجاة وثناء على ملك الارض والسماء. واعتقد الاخ اللي برة موجود معه الكتب دي الاخ محمد ايه التحدي اللي بيواجهنا؟ كل واحد فينا التحدي بيواجهه ايه؟ ان هو - [00:01:12](#)

مخلوق من الطين. ومطلوب منه ان هو يتسامى الى الملأ الاعلى. مخلوق من الطين يعني انا عندي جسد له متطلبات. المتطلبات دي يعني شهوات. والشهوات دي بتشدها من تحت للطين اللي انا مخنوق منه. بس انا مطلوب مني اني اتسامى الى الملأ الاعلى. بل ابقى - [00:01:32](#)

احاول انافس الملائكة في الذكر والدعاء والصلاة والاتصال بالله. بل مطلوب مني اني احاول ابقى افضل منهم ان الذين امنوا وعملوا الصالحات اولئك هم خير البرية. خير المخلوقات يعني المفسرين قالوا خير من الملائكة. معقول! ما هي الملائكة ما عندهاش شهوات بتجرها لتحت! لكن - [00:02:02](#)

انت عندك فاذا انت قدرت تبقى على مستوى الملائكة في التسبيح وفي الاتصال بالله يبقى انت افضل انت عندك شهوات عندك جسم عندك متطلبات عندك حاجات بتجرك لتحت. هو ده صعب. صعب جدا - [00:02:42](#)

يبقى انا عايز اقاوم الاسفاف بالتسامي. وعايز اقاوم النسيان بالذكر وعايز اقاوم الانانية بالايثار. وكل شيه هذا الجسد وهذه الشهوات وهذا الهوى فاكرين الهوى؟ المزاج ها عمال يشد لي انا عايز اقاومه بعكسه. عايزين نقاوم النسيان بالذكر. ازاى ننسى ربنا - [00:03:02](#)
لسه ربنا وهو خالقنا وهو رازقنا. وهو حافظنا. هل احنا بننسى ربنا؟ اه طبعاً بننسى ربنا. وقت ما بنعصي بننسى ربنا. بننسى ان ربنا موجود اصلاً. الرسول عليه الصلاة والسلام بيقول لا يزني الزاني حين يزني وهو مؤمن - [00:03:42](#)

ولا يسرق السارق حين يسرق وهو مؤمن. فالايمان ينتقل. ازاى ننسى؟ ربنا. لابد ان احنا نتذكر يبقى انا لازم اذكر نفسي باستمرار. يبقى لابد اني الجأ الى الذكر. الملائكة بتذكر وتسبح باستمرار - [00:04:02](#)

اربعة وعشرين ساعة. سبع تيام في الاسبوع. تلتمية خمسة وستين يوم في السنة. لانها متفرغة. فكان ما نيش انا عندي شغل ولازم انام ولازم اكل. الله! طب اعمل ايه؟ ابدأ قبل ما انام - [00:04:22](#)

يعتبر ذكر. ابدأ شغلي بذكر شغلي يعتبر ذكر ابدأ اكلي بذكر اكلي يعتبر ذكر. شفتهم كرم ربنا؟ قبل ما تنام تقول الذكر ونام بقى اربع خمس ساعات تعتبر بتذكر ساعتها. ايه ده! ليه نفوت الفرصة دي - [00:04:42](#)

كده عكس انتم عارفين الرسول عليه الصلاة والسلام هو اثبات ان البشر يمكنهم الارتقاء والملائكة في الذكر والشكر او اكثر. النبي عليه الصلاة والسلام بشر. ووصل الى هذا المستوى وهو اسوتنا اوعى يقول لك ايه يا عم ده الرسول عليه الصلاة والسلام هو اسوتك هو قوتك. ده اجمل ما في السيرة - [00:05:12](#)

قوية انها ابقت على صاحبها بشراً. حتى نتأسى به بعد السير الاخرى تم تحريفها فخرجوا بصاحب السيرة الى مستوى اخر الى مستوى اللوهية. فما تلاقيش اتباع هذه الاديان ده الهي يا عم انا هتأسى به ازاى؟ لكن لا. عليه الصلاة والسلام بشر ونجد ان نتأسى

به. عايزين نفهم بقى - 00:05:42

النفس يا اخوانا بتتكون من جسد وروح. جسد وروح. لذلك الجسد عنده شهوات. والروح هي اللي لو قوية تستطيع ان سيطر على الشهوات. انما لو ضعيفة الشهوات هي اللي مسيطرة وسايقة. النفس تصبح - 00:06:12

النفس امارة بالسوء. هناك روح قوية تبتدي هي تلوم النفس. تبقى نفس دوامة روح قوية جدا وتمت السيطرة بالكامل على عجلة القيادة بقت نفس مطمئنة ايه هو غذاء الجسد؟ انت رديت ايه النهاردة؟ ملوخية - 00:06:42

ده غذاء الجسد ملوخية وفول وكشري يا سلام لو كباب لو كويس لو فيه لو متاح طب ايه غذاء الروح بقى لا ملوخية ولا كشرية. غذاء الروح هو الذكر. هتغزي روحك روحك هتقوى وتسيطر هي - 00:07:12

ما غزتش روحك روحك هتضعف. والشهوات هتسيطر. يبقى الاساس عندنا اننا عايزين نغذي الروح الذكر عشان الروح تقوى ويصبح عندنا نفس لوامة ونوصل للنفس المطمئنة. يبقى الذكر هو الروح غذاء ودواء. غذاء ودواء. يعني انت ممكن تفتح شنطتي دي تلاقي فيها فيتامين سي. عشان وانا - 00:07:32

كده لو ابتديت اعطس شوية ولا اقوم اخذ فيتامين سي اقوم ايه ما عياش. وممكن تلاقي فيها الدوا بتاع النقرس مش لو حد عزم علي بسندوتش شاورما ولا حاجة اخذ دوا النقرس عشان رجلي متوجعنيش عندي في دوا فيه مخصوص الرجلين بتوجع كده - 00:08:02

لما الواحد بياكل حاجة لحمية. لحمية حمرا. هل لو انا بدأت اشعر باعراض النقرس ان صواب رجلي توجعني اخذ فيتامين سي ينفع؟ ما ينفعش. طب ليه؟ ما ينفعش ليه؟ ما دي حباية ودي حباية عن الشيء. لا ما ينفعش. عند الضعف الجسدي ده - 00:08:22

انت محتاج دواء معين. بدأ رشح. اخذ دواء النقرس. ليه لأ؟ ما دي حباية ودي حباية لأ عند الضعف الجسدي الثاني عندك دواء ثاني غيره. نفس الكلام. هناك اذكار اسمها اذكار الاحوال - 00:08:42

انا دلوقتي بدأت اكل بقول دعاء الاكل. انا هخش انام. بقول لانه انا راكب الطائرة او راكب القطار ومسافر بقول دعاء السفر. ينفع اركب الطائرة اقول دعاء النوم بسم الله وضعت جنبي وبسم الله ارفعه. لأ. بتضحكوا ليه؟ مش زكر وخلص؟ لأ. انا في حالة الضعف النفسي ده محتاج - 00:09:02

اللهم انت صاحب في السفر. محتاج دي هو ده الدواء المطلوب هنا هو. انا قبل ما انام ما اقولش دعاء دخول الحمام اللهم اني اعوذ بك من الخبث والخبائث. انت بتضحك اهو. ليه ما انت ذكرنا ايوة بس مش ده وقته. انا عند الضعف النفسي ده محتاج - 00:09:32

اللهم بسم الله وضعت جنبي وبسم الله ارفعه. هو ده الضعف ده محتاج دواء معين. اذا الذكر غذاء ودواء للروح. ودواء للروح. ايه

كمان؟ الذكر ده طريقة اتصال. طريقة تتصل بها برينا. هو ده الذكر. طريقة للاتصال بالله - 00:09:52

ازاي؟ فاذكروني اذكركم. هتتصل هيترد عليك. بس اتصل انت تتصل ربنا مش هيتصل بك ابدا الاول. انت تتصل الاول. واذا اتصلت الاتصال بيتحقق بص حديث الرسول عليه الصلاة والسلام. مثل الذي يذكر ربه والذي لا - 00:10:22

اذكروا مثل الحي والميت. اللي بيذكر ربنا زي الانسان الحي. الذي لا يذكر الله ميت ازاي ميت محيره بياكل ويشرب ويبعدي الشارع ويبسوق العربية وشايفينه كلنا. هو مش بيتصل بقاله مدة فلما نكون في الحرب ونرجع وفي جندي ما يرجعش اسمه ايه جندي - 00:10:52

مفقود احنا جستته ما جاتش. بس بعد مدة معينة من فقده بيعتبر مات عليه حكم الميت. والقاضي بيقوم مطلق مراته منه. بيحكم لها بالطلاق. ويوزعوا تركتهم. ما خلاص بقى لهم - 00:11:22

مدة معينة هو مفقود انتهى. مفقود. بقى لك مدة ما بتتصلش. مثل الذي يذكر ربك والذي لا يذكره كمثل الحي والميت. ويقول الله سبحانه وتعالى انا عند ظن عبدي وانا معه اذا ذكرني. قلت له انا قاعد لوحدي وزهقان - 00:11:42

ما فيش حد من اصحابي معي. طب ايه رأيك بقى لو معك ربنا اذكر ربنا مش تبقى لوحدا. وانا معه اذا ذكرني. فيه ونس ايه اكثر من كده؟ فان ذكرني في نفسه ذكرته في نفسي. وان ذكرني في ملأ ذكرته في ملأ خير - 00:12:12

منه انا اذكر ربنا وسط احمد ومحمد وعبدالله وجورج وعائشة وهدي ومريم كل دول ملأ مسلمين على مش مسلمين على كله ده بتكون ربنا يسترهم. يقوم ربنا يذكركم وسط نيم - [00:12:42](#)

جبرائيل ميكائيل واسرافيل. ايه الجمال ده! انت بس اذكر ربنا يذكرك. فاذكروني اذكركم مين ضيع الفرص دي؟ احد الصحابة راح للرسول عليه الصلاة والسلام وقال له يا رسول الله ان - [00:13:02](#)

رائع الاسلام قد كثرت علي. فاخبرني بشيء اتشبت به. قال صلى الله عليه وسلم لا يزال لسانك رطبا من ذكر الله. خلي لسانك كده رطب مدلول لله على طول. على طول ذكر ربنا في لسانك. انت في الحالة دي معك ربنا على طول - [00:13:22](#)

ولكن ازاي نذكر ربنا؟ هي دي المشكلة. طريقتنا في الذكر لا تختلف عن طريقتنا في قراءة القرآن زمان اللي هو بدون عاطفة. وبدون تدبر وبدون فهم. بعد الصلاة انت سبحان - [00:13:52](#)

سبحان الله سبحان الله سبحان الله سبحان الله ايه ده انت كده بتهاب! ان شاء الله ما اعرفش. عايزين شيخ يضمنها لك دي. انك بتزاب بهزه بهذه الطريقة. او ان الذكر بيفيدك - [00:14:12](#)

اي شيء ايه ده؟ اين العاطفة؟ بص عاطفة جياشة بتاعة الرسول عليه الصلاة والسلام وهو بيذكر ربنا. الله اللهم ربنا ورب كل شيء انا شهيد انك انت الرب وحدك لا شريك لك - [00:14:32](#)

الله ربنا ورب كل شيء انا شهيد ان محمدا عبدك ورسولك. اللهم ربنا كل شيء انا شهيد ان العباد كلهم اخوة. اللهم ربنا ورب كل شيء اجعلنا ابي مخلصا لك واهلي في كل ساعة في الدنيا والاخرة. يا ذا الجلال والاکرام. اسمع واستجب - [00:14:52](#)

طب احنا نقول انا شهيد ان محمدا عبدك ورسولك. اقرأوا بنبوة النبي صلى الله عليه وسلم ايه معنى ان النبي نفسه يقول على نفسه كده. اشهد اني رسول الله. ايه معناها - [00:15:22](#)

اصرار على تبليغ الرسالة وتأدية الامانة حتى اخر نفس. حتى اخر نفس لكن عايزك تلاحز انه لم يبدأ بالدعاء. ده فيه كلام بيحصل الاول. اسمه مناجاة. يعني انت تفتح الايميل - [00:15:42](#)

تلاقي صاحبي بيقول لك هات لي اربع تلاف جنبه. ايه ده! فين عزيزي فلان؟ ارجو ان خطابي هذا وانت في خير حال. لازم كده. لازم تكلمني لاغيني الاول. وبعد كده اطلب. صح؟ لازم نكلم ربنا يا جماعة. مش - [00:16:02](#)

خش على طول في الدعاء. دي اسمها المناجاة. عشان كده باقول لكم كتاب زي ده جميل جدا لان فيه امثلة للمناسبات ربنا الرسول عليه الصلاة والسلام يناجي الله فيقول اللهم ربنا وفي رواية الامام احمد اللهم ربنا - [00:16:22](#)

انه رب كل شيء ومليكه انا شهيد انك انت الرب وحدك لا شريك لك اللهم ربنا ورب كل شيء ومليكه انا شهيد ان محمدا عبدك ورسولك. اللهم ربنا ورب كل شيء ومليكه انا شهيد ان العباد كلهم اخوة. اللهم ربنا ورب كل شيء - [00:16:42](#)

يدعي بقى. دعى بايه؟ اجعلني مخلصا لك. واهلي في كل ساعة في الدنيا والاخرة. حتى لما دعا دعا بشيء اخروي اصل الدنيا هينة اوي. لا قيمة لها. يا ذا الجلال والاکرام - [00:17:12](#)

اسمع واستجب رجاء شديد. كلمتان خفيفتان على اللسان ثقيلتان في التميزان حبيبتان الى الرحمن سبحان الله وبحمده سبحان الله العظيم طب ما كان يقول لنا الرسول عليه الصلاة والسلام خلاص قولوا سبحان الله وبحمده سبحان الله العظيم. لا هو بيحفزك -

[00:17:38](#)

بيعمل لك تحفيز. يقول لك كلمتان. اتنين بس. خفيفتان على اللسان. ما بتحرقش يعني خمسة كالوري لما بتقولهم يعني ده ولا حاجة خالص. خفيفتان على اللسان. ثقيلتان في الميزان. لكن - [00:18:08](#)

كبير اوي حبيبتان الى الرحمن. ايه هما يا رسول الله؟ عشان نقولهم كثير سبحان الله وبحمده سبحان الله العظيم. تسبيح يعني الله عن اي نقص. ربنا لا يوصف بالنقص. عارفين اليهود؟ موحدين - [00:18:28](#)

مش مشركين. لكنهم يصفوا الله سبحانه وتعالى بالنقص. فعندهم ربنا يندم وما يعرفش ويغلط واي واحد في سنة اولى شريعة يصلح لربنا عادي جدا. احنا ده الفرق بيننا في وبينهم في الحقة دي. نحن - [00:18:58](#)

قلت له مرة واحدة لكن بينت له مشاعر الندم - 00:25:25

اسف جدا ما اقصدش بينت له مشاعر الندم. بس كفاية. لان اقتزنت بالمشاعر بقت مقبولة منه. لكن خمسميت اسف بدون مشاعر

استفزته اكثر. لذلک السيدة رابعة العدوية تقول ان استغفار - 00:25:35

يحتاج الى استغفار. احنا لازم نستغفر ربنا من طريقتنا في الاستغفار خمسميت مرة. سبها بعداد. ما هو كله بقى عندنا عبارة عن كميات كميات كل حاجة بكميات كبيرة. لكن الكوالييتي بقت مش مهمة. لأ خلاص. احنا بقى هنا الدورة دي بتخلينا ندي كل

حاجة بالكوالييتي. هنعبد - 00:25:55

ربنا الكوالييتي. هنذكر ربنا الكوالييتي المرة الجاية مهمة جدا الصلاة هتبقى قراءة القرآن كيف كيف كيف اهم من الكم يا جماعة

بصوا سيد الاستغفار. احسن طريقة في الاستغفار. ورد عليه الصلاة والسلام. اللهم انت - 00:26:25

ربي لا اله الا انت خلقتني وانا عبدك. وانا على عهدك ووعدك ما استطعت. اعوذ بك من شر ما صنعت. ابوء لك بنعمتك علي ابوء بذنبي

كل ده لسة ما استغفرش دلوقتي اهو فاغفر لي. فانه لا يغفر الذنوب الا انت. يقول - 00:26:50

صلى الله عليه وسلم من قالها من النهار موقنا بها فمات من يومه قبل ان يمسي فهو من اهل ومن قالها من الليل وهو موقن بها فمات

قبل ان يصبح فهو من اهل الجنة. خلي بالك بقى قال لك - 00:27:20

من قالها من النهار موقنا بها. مش اللي يقولها وخلاص. مش اللي يقولها بيتفرج على التلفزيون. مش اللي كل ما هو بيشتغل مش

اللي يقولها وهو بيعمل اي حاجة لأ موقنا بها هي مرة ادبهاني صح الصبح تموت - 00:27:40

قبل الليل انت من اهل الجنة. مرة تقولها لي كويس بالليل ومت قبل الصبح تبقى من اهل الجنة. هو ده. ده انت شف المعاني اللي فيها

اللهم انت ربي اقرار بربوبية الله. لا اله الا انت - 00:28:00

اقرار بالوهية الله. خلقتني اقرار بان الله هو الخالق. وانا عبدك اقرار بعبوديتك. وانا على عهدك ووعدك ما استطعت. مبايعة وعهد

اعوذ بك من شر ما صنعت. استعاذة وندم على ما فعلت. ابوء لك بنعمتك علي - 00:28:20

اعتراف بنعمة ربنا عليك. وابوء بذنبي اعتراف بانك مذنب ومقصر فاغفر لي طلب المغفرة يأتي بعد كل اية. فانه لا يغفر الذنوب الا

انت. اقرار بانه لا غفار الا الله - 00:28:50

واحد يقول لي يا عم ده انا في الوقت ده كان زمني قلتها خمستاشر مرة. استغفر الله استغفر الله استغفر الله وخلاص. انت حر بقى

مصر انت بقى النظام القديم ده بتاع النظام القديم. لا احنا نظام جديد. كل حاجة - 00:29:10

في علاقتنا بربنا هتبقى بكيف. بكوالييتي جيدة. علاج الهم والحزن ايه عندك هم او حزن؟ بص النبي عليه الصلاة والسلام بيقول ايه.

عليه الصلاة والسلام. ما اصاب عبد قط هم ولا حزن - 00:29:30

قال اللهم اني عبدك ابن عبدك الاخوات هيقولوا اني امتك بنت امتك او بنت عبدك برضه. اللهم اني عبدك ابن عبدك ابن امتك. ناصيتي

بيدك ماض في حكمك. عدل في قضاؤك. أسألك بكل اسم هو لك. سميت - 00:29:50

به نفسك او انزلته في كتابك. او علمته احدا من خلقك. او استأثرت به في علم الغيب عندك ان تجعل القرآن العظيم ربيع قلبي. ونور

صدري وجلاء حزني وذهاب همي وغمي. الا اذهب الله همه وابدله - 00:30:20

له مكانه فرحا. قالوا افلا نتعلمهن يا رسول الله؟ دول نحفظهم؟ قال ينبغي لمن سمعهن ان يتعلمهن. لازم اللي يسمعهم يتعلمهم. اكتبهم

وحطهم في ورقة معك او تحفزوهم. اللهم اني عبدك بالقرار بالعبودية - 00:30:50

ابن عبدك ابن امتك انا وابويا وامي كلنا عبيد لك يا رب. ناصيتي بيدك انت متصرف في شؤوني. ناصيتي بيدك. توديني كده تجيبني

كده عدل في قضاؤك يعني انا مستسلم منتهى التسليم لله. ده هو ده اساس الدين. ده احنا اسمنا دين الاسلام - 00:31:20

الدين الوحيد في العالم اللي مش متسمي على اسم انسان. ولا اسم قبيلة او جماعة ولا اسم منطقة جغرافية الهندوسية على اسم

الهند منطقة جغرافية. لما اقول لك الهندوسية حسيت بعين جداب انا مالي وانا عندي - 00:31:50

صح ليه؟ على اسم منطقة جغرافية فده محصورا لم تبدأيه. ماشي؟ المسيحية على اسم السيد. المسيح انسان اليهودية على اسم

قبيلة يهودا. البوذية على اسم واحد اسمه بوذا. الاسلام على اسم مين؟ مش على اسم سيدنا محمد عليه الصلاة والسلام خالص. بل في - [00:32:10](#)

لما بيحبوا يستفزوننا يقولوا لنا محمدا. المحمديين نشعر بالاستفزاز. طب نستفز ليه ما احنا بنحبه. ايوة لكن احنا مش محمدين احنا مسلمين زيه وزي موسى وعيسى وابراهيم ونوح هو ده الاسلام والاستسلام - [00:32:40](#)
لقضاء ربنا استسلم يا رب. ماض في حكمك. عدل في قضاؤك. اسألك بكل اسم هو لك. الاسماء اللي احنا عارفينها واللي مش عارفينها. سميت به نفسك او انزلته في كتابك او - [00:33:00](#)

لم تهوا احدا من خلقك. او استأثرت به في علم الغيب عندك. ان تجعل القرآن العظيم ربيع قلبي خليه يريحني. ونور صدري. وينورني طريقني وينور لي قلبي وجلاء حزني وارى حزني رح. وذهاب همي وغمي - [00:33:23](#)
لكن ده مهمين كل دعاء من دول كان ببسبقة ايه؟ كلام مناجاة المناجاة مهمة سبحانه وتعالى بيقول ولله الاسماء الحسنى فادعوه بها. فنناجي الله باسمائه ولله الاسماء الحسنى فادعوه بها. يا قوي قتي - [00:33:53](#)

يا شاكى اشفني. يا هادي اهدنا ندعو الله باسمائه وصفاته عن فضالة بن عبيد رضي الله عنه قال سمع آآ سمع رسول الله صلى الله عليه وسلم رجلا يدعو في صلاته - [00:34:23](#)
لم يمجده الله تعالى. يعني الراجل دخل خط لرق دعاء. ولم يصلي على النبي صلى الله عليه وسلم ولا صلاح حتى عن النبي عليه الصلاة والسلام في اول الدعاء. فقال رسول الله صلى الله عليه وسلم عجل هذا. الراجل ده - [00:34:43](#)

ما تستعجلش كده. بعد ما اخلص دعاه فقال له او غيرهه اذا صلى احدكم فاللي اذا صلى يعني اذا دعا الصلاة من اسماء الدعاء. الدعاء اسمه صلاة. اذا صلى احدكم فليبدأ بتمجيد ربه جل وعز - [00:35:03](#)
والثناء عليه ثم يصلي على النبي ثم يدعو بعده بما شاء. قبل ما تدعو تثني على الله وتمجد الله وتصلي على رسول الله ثم تدعوه. من ثناء الانبياء على الله - [00:35:27](#)

سورة ابراهيم. سيدنا ابراهيم بيقول ايه؟ ربنا انك تعلم ما نخفي وما نعلن وما يخفى على الله من شيء في الارض ولا في السماء. الحمد لله الذي وهب لي على - [00:35:47](#)
اسماعيل واسحاق ان ربي لسميع الدعاء. بعد كده بدأ يدعي. ربي اجعلني مقيم الصلاة ومن ذريتي ربنا وتقبل دعائك. ربنا اغفر لي ولوالدي وللمؤمنين يوم يقوم الحساب. طب انا من هنا اقدر افهم انا ممكن اثني على الله بالاشياء التي من بها علي. ما هو بيقول اهو الحمد - [00:36:07](#)

الذي وهب لي على الكبر اسماعيل واسحاق. انت ممكن تعمل نفس الحكاية؟ وتحمد ربنا على نعمه اللي اداها لك. وعلى ولادك وعلى صحتك وعلى وعدد نعم ربنا عليك. قلنا المرة اللي فاتت ذكر النعمة احصاء النعم عبادة مهجورة. تذكر نعمة - [00:36:37](#)
ايضا سيدنا ابراهيم الذي خلقني هو يهدين. هو خلي بالك هو ناوي يدعي. فبدأ بالثناء على الله. والذي هو يطعمني ويسقيني. واذا مرضت فهو يشفين والذي يميّتي ثم يحيين. والذي اطعم ان يغفر لي خطيئتي يوم - [00:36:57](#)

الدين رب هب لي حكما والحقني بالصالحين. بدأ يدعي. واجعل لي لسان صدق في الاخرين اجعلني من ورثة جنة النعيم. واغفر لابي انه كان من الضالين. ولا تخزني قوم يبعثون. قبل ما يدعي بدأ بالثناء على الله. ولان ايمانياته عالية فالدنيا عنده - [00:37:27](#)
ما لهاش قيمة. فالادعية منصبة على الآخرة. ودي حاجة هتلاحزها في نفس الوقت. كل ما ايمانياتك تزيد كل ما دعائك ينصب على الامور الآخروية. وان تلاقي نفسك الدنيا عندك بتزهر. وتفوض الله. يعني حتى لو دعيت ان ربنا مسلا آآ - [00:37:57](#)

عروس او انت دعيت ربنا يرزقك عريس. ايمانياتك ضعيفة هتطلب عروسة معينة ايمانياتك عالية تدعي ربنا يرزقك الزوجة الصالحة. وتفوض الله ان يختار لك انت لا تعلم اللي انت محددها في ذهنك دي احسن واحدة لك ولا اسوأ واحدة لك؟ ما تعرفش. وانت نفس الكلام - [00:38:17](#)

ايه يا بطيخة! الجواز ده بطيخة! فادعي ربنا انك كنت قاعد تتجوز بطيخة حمرا وخلص وانت برضو دي عبارة تتجوزي بطيخة حمرا.

ربي قد اتيتني من الملك. شف سيدنا موجود يوسف - [00:38:47](#)

ربي قد اتيتني من الملك وعلمتني من تأويل الاحاديث. فاطر السماوات والارض انت ولي في الدنيا والاخرة. هيدعي. توفي مسلما والحقني بالصالحين. نبي بيدعي يموت مسلم. ايه ده! نبي بيدعي يموت مسلم. وانه يلحق بالصالحين - [00:39:07](#)
ويعد آلاء الله عليك. ده اتسجن ظلم. ما قالش انا ايه اللي جابني هنا هو انا كنت عملت كل حاجة عنده منورة جدا. الدنيا عنده حلوة اوي. ربي قد اتيتني من الملك - [00:39:37](#)

علمتني من تأويل الاحاديث. فاطر السماوات والارض انت ولي في الدنيا والاخرة. توفي مسلما والحقني بالصالحين. دروس بصراحة. بص مناجاة النبي صلى الله عليه وسلم. يناجي ربه اللهم انك تسمع كلامي. وترى مكاني وتعلم سري وعلانيتي - [00:39:57](#)
ولا يخفى عليك شيء من امري. وانا البائس الفقيه. المستغيث المستجير الوجل المشفق المقر المعترف اليك بذنبه. اسألك مسألة المساكين. وابتهل اليك ابتهاال المذنب الذليل. وادعوك دعاء الخائف الضر دعاء من خضعت لك رقبته. وذل لك جسمه ورغم لك انفه. كل المناجاة - [00:40:27](#)

والتذل والحب والاقبال والاعتراف. كل دي مشاعر. مشاعر عمالة تتحرك قبل ما ضربت طوب عيال صغيرة كانت بتضربه وتشتمه. راح قايل ايه؟ اللهم اليك اشكو ضعف قوتي وقلة حيلتي. وهواني على الناس. يا ارحم الراحمين - [00:41:07](#)
الى من تكلني؟ الى عدو يتجهمني؟ ام الى قريب ملكته امري؟ ان لم تكن ساخطا علي فلا ابالي غير ان عافيتك اوسع لي. يعني مش فارق معي لو انت مش ساخط علي. اللي بيحصل مش فارق معي. الا ان العافية افضل. اعوذ بنور وجهك الذي - [00:41:47](#)
له السماوات والارض واشرقت له الظلمات وصلاح عليه امر الدنيا والاخرة من ان يحل علي غضبك. او ان ينزل علي سخطك. لك العسر حتى ترضى ولا حول ولا قوة الا بك. كلها مشاعر عمالة تتحرك. تكلم ربنا بمشاعر - [00:42:17](#)

تدعي ربنا بمشاعر. والدعاء مهم جدا بعض الناس فاكدة ان الدعاء مش مهم هذا الدعاء خسران له حديث شريف يقول الدعاء هو العبادة. حديث اخر الدعاء مخ العبادة. طبع الدعاء هو العبادة تفسير لاية. هيتغافر ستين - [00:42:47](#)
وقال ربكم ادعوني استجب لكم. ان الذين يستكبرون عن سيدخلون جهنم داخلين. ربنا بيأمرنا بالدعاء. وقال ربكم ادعوني استجب لكم. ان الذين يستكبرون عن عبادتي. تفسير عليه الصلاة والسلام الدعاء هو العبادة - [00:43:14](#)
تستكبر انك تطلب من ربنا يبقى فيه قضاء وربنا وربنا قدر خلاص اللي هيحصل هيحصل مش فارقة ادعي ما ادعيش لا لازم تطلب من ربنا ربنا يحب انك تطلب منه. ان الذين يستكبرون عن عبادته سيدخلون جهنم داخرين - [00:43:44](#)
الواجب يا جماعة ورد القرآن ساعة يا ريت لو نص الصبح ونص بالليل ما لا جله لا يترك كله. حياة اللي عندك. بس بلاش خمس دقائق يا اختي. بلاش تمن دقائق دي. حاولي اكثر شوية. حاولي معلش. ماشي - [00:44:04](#)

بايه؟ بتدبر ثاني اول مسرح واقرا بدون فهم بعض وارجع لآخر اية قريتها بتدبر. اياك تقرا بدون تدبر. الازكار اذكار الصباح واذكار المساء انا طلبت من الاخ اللي برة الاخ محمد انه يجيب لكم المأثورات. المأثورات دي ادعية مأثورة عن الرسول صلى الله - [00:44:24](#)
عليه وسلم. جمعها جمعها من كتب السنة الشيخ حسن البنا. لكن هي مأثورة عن الرسول عليه الصلاة والسلام. او المقطورات هاتها من اي ايه؟ في الانترنت. اصغر حاجة فيه انها رفيعة تتحط في جيب الواحد جوة المحفظة بتطلعها بتقراها لكن ارجوكم - [00:44:54](#)
صباحا ومساء. المأثورات تقرا وجمع قلب. وبتحريك مشاعر. المرة الجاية في الصلاة. درس المرة الجاية اسمه روح الصلاة. ده مهم جدا جدا. ولو ركزت فيه واتدربت عليه هيغير حياتك الغائب يبلغ جنازة. خلاص يعني خلاص. انا غلظت في البخاري - [00:45:14](#)
اي حد يبلغ اي حد. والله انتم ملخبطة ولا بتلخبطوا. طيب. خلاص آآ ثاني بنصح بالكتاب ده تسييح ومناجاة وثناء على ملك الارض والسماوات بتاع الشيخ محمد موسى عقيم ان في امثلة من المناجاة والثناء على الله بتاع الانبياء وبتاع الصحابة وبتاع الصالحين -

[00:45:44](#)

جميل جميل جدا. المأثورات لازم تبقى عندك لو سمحت نزلها من على الانترنت. او هاتها من الاخ محمد برة. ثاني مؤسسة جزور تعريف الاسلام عاملين دورتين مهمين جدا كيف تحاور ملحدوا وفي كيف تحاور متنصرا دول جمال جدا - [00:46:14](#)

اللي يقدر يبجوا ان يبجي فيهم. ايضا احب اقول لكم ان زي ما قلت لكم كده بكرة احتمال كبير اللي يتابع معنا على التويتر والفيسبوك وكده خاصة احتمال يكون فيه مبادرة نروح الكاتدرائية في العباسية عشان نعلن تضامنا وان دي بلد واحدة - [00:46:34](#) واننا ايد واحدة وان ربنا يقى مصر الفتن باذن الله. ادعو الله انه يقى مصر الفتن وانه يقينا من فتنة الشيطان ومن فتنة النفس. وجزاكم الله خيرا. واراكم على خير يوم الحد اللي جاي. وانتظر ايميلاتكم - [00:46:54](#) يومية لو سمحتم. سلام عليكم - [00:47:14](#)